

卷三

救迷良方

水山神鍼

福幼編

本草經百種錄注

食物秘書

年辨脈法歌訣

R2-51
34

青浦何氏世精軒歧之術著作甚多此救迷良方乃書田翁晚年所輯治癮方也侯官林尚書嘗刻於楚省再刻於粵東而此間反剽傳本翁哲嗣鴻舫長治以畀予爰並刊之道光三十年庚戌六月金山錢培名附識世人未吸鴉片時亦能說人誠人及至臨場染指則多舌解說其入迷之故有四或以應酬為趨時或曰以喫為便宜或借為房中之藥或信為却病之方自謂必不成癮乃始而掩飾繼而回護終而沈酣向之說人誠人者未幾而與之俱化矣此由時勢使然非言語所能勸誠雖百萬廣長舌亦無能為役多見其不知諒也此刻救迷良方為真能悔禍者聊備一善其實即有良藥豈能強不欲醫者而使之服況徒方乎予之曉曉不置惟恐他日一時不謹使導我先路者反唇相譏故書此以自警鴻舫屬校因書以歸之道光庚戌七月之望南漚張文虎獻山識

救迷良方

青浦何其偉書田氏輯

右軍有言死生亦大矣豈不痛哉蓋痛夫有生之難而致死之甚易也知其難而愛之保之尚不免疾厄之夭折况明明導以速死之路而甘心蹈之至喪身斬嗣而弗顧不痛之尤痛哉錢看阿片之流毒徧海內矣嗜之而死雖億兆人奚足恤然豈無將死未死忽幡然悔懼求延殘息於頃刻者是不可不有以蘇之我欲生即生良方具在焉若朝既欲生夕又忘死一念為人而一念為鬼則亦未如之何也已道光十三年癸巳季春月望日閩中大君子命竹幹山人書於蘇撫節署平政堂之西解

鵲丹又名長生丹取南瓜根藤花葉及瓜滌淨搗爛絞汁服之風癰盡去未結瓜者更佳雖吞生烟服之亦愈案本草

南瓜甘溫無毒補中益氣又截其藤有汁極清如露西洋人以治吞生鴉片烟者即此故秘其方詭也則亦可以

治癮矣 南瓜於初夏種子五月藤蔓開花六月結瓜七月以後瓜熟藤枯不能濟緩急之需存心救苦難者於

盛夏時將瓜藤花葉取而搗汁置瓮中窖藏待用可也潞黨參一兩綿黃耆一兩熟地黃二兩砂當歸身一兩升

麻三錢野白木一兩米泔水浸透蜜水炙上肉桂五錢去皮金櫻子六錢去刺甘草五錢蜜水炙白芍藥一兩水炒柴胡三錢驚栗殼八錢廣陳

橘皮五錢五味子五錢廣木香五錢右為細末加烟灰五錢煉蜜為丸如桐子大硃砂為衣每服三錢開水下

此藥為救人身家性命起見於烟癮未來之前服三錢每次遞減二分服之九服可以斷癮

戒鴉片烟第一真驗良方序

今世之喪家敗德者稱挾邪游博瀟戲而止矣孰知烟之為害更有甚於此二者夫挾邪博瀟而不悟禍斯及矣設一悟而卒然去之固自易易若鴉片之為害即使痛深悔悟亦必有不可得而去者而其欲去之心即遷善之機是宜為之設法補救然歷究古方無解鴉片烟毒之藥鄙擬有是病即有是藥即有剋制之物爰據醫經審求治理放諸藥性參之古法編輯成方以之戒絕烟癮頗有效驗用特刻方傳送俾中毒者棄烟引如敝屣則某之厚望也夫

引論

原本缺姓氏長治案一本云杭州汪質庵著兄維經先君子刪節者

蓋人之喉管有二一食管一氣管食管為飲食所由入通於腸胃直達下部出為便溺而氣管實司夫呼吸與食管並生下通肺心肝腎吸則氣因之而下降呼則氣出而上越呼吸之間脾居中主受納穀氣以榮乎血氣而烟之入也則由氣管呼吸往來積垢於五臟之中與受納飲食之腸胃食管截然而開夫氣管為清虛之府本不能容受纖毫微末故雖顆粒滴水誤入其中即為欬逆必出之而後快烟乃有氣無形之物隨呼吸而漸積五臟之內而鴉片其味濇故滯其性熱故毒其色青黑故入肝腎其臭香故走而不守一吸而能入於內筋骨髓之內一呼而出又能達於皮毛毫髮之抄故一入五臟則徧體內外上下無處不到觀有引之人食才下咽則自頂至踵其舒暢有不可言語形容者此其明驗也始則由漸而常繼則由常而熟及其熟也臟腑賴烟而後快精神賴烟而後爽耳目手足賴烟而後安一旦無烟浸潤其間則腎先苦之腎苦則阿欠頻頻肝因困乏肝困則連連涕淚肺亦生痰矣蓋脾主信脾之感也如此則五臟交相困矣五臟交困眾體無所秉令輕則一身痿軟重則諸痰蜂起則又何病之不作哉嗟乎此之所謂引也既知所以起引之由故知所以用藥之法其法變食為吞在引之輕者及體之壯者即無法無方亦不難戒今專為受引輕重體氣弱者立法

醫論

受引之病前論詳矣治引之術以烟灰為君附子為用取其走而不守能通行十二經也佐以柴胡之左旋佐以升麻之右旋沈香直達下焦四者相合直通上下表裏頃刻而能徧於周身矣蓋含烟之人中氣鮮有不傷者中氣傷則穀食不化身體困乏而軟弱故用參耆以補肺氣白朮以補脾氣陳皮木香以導取諸氣此皆所以固中州之根本也根本既固再有當歸連柏以涼血而滋衰弱之陰火且連柏能殺附子之毒以生一源之水而制二相之火使無夢遺等證至氣血兩虛之人難保無眩暈然暈非天麻不止故加天麻用甘草者不但可補中並可以益血而協和諸藥也方中和氣補脾土雖寒熱並用而藥味不雜亦不相悖製方之義然也況此方斷癮之善有妙不可言者以諸藥和吞於胃行氣於五臟旁通於經絡俄頃之間即能透徹頂踵液髓淪肌無處不到較之吹烟過引尤為快暢諸病不作烟引不來其中有沈香木香芳艷之氣升降於其間藉附子氤氳之氣周旋於臟腑經絡之類日習

積憤旬日之後臟氣與烟拒格不但不思吹吸即聞之亦有苦味若勉強三五筒未有不作嘔吐者至是聞臭食苦嘔吐不納雖下愚亦知可以毅然悔悟而返矣更有補中益氣固精養血之藥每日去有烟灰之丸一粒以減其引加補正丸二粒以補其正使正氣日足邪氣自無所容縱至重之引至弱之體依法治之未嘗不可猝然一悟而去之易易也雖然竊又有說焉如服食有效可已而不可戒而不戒猶戀戀於燈前枕畔則烟引易治心引難醫甘成附骨之疽死而後已雖有換骨仙丹亦未如之何矣可不戒哉願天下有志者一經洗清腸胃視片如不共戴天之仇庶不負斯方之選矣

忌酸丸

即斷

名之忌酸者何因乎藥所忌也何忌乎酸味酸味與烟性相反也故本草綱目諸藥皆有所忌吞鴉片

者與酸物齊下可使斷腸此方以烟灰為君其性尚存切忌酸物故名曰忌酸使人顧名思義不致有所觸犯云爾

洋參

五錢

白木

二錢

當歸

二錢

黃柏

四錢

黃連

四錢

炙草

二錢

陳皮

五錢

天麻

三錢

無頭

柴胡

三錢

生用

木香

二錢

升麻

三錢

黃耆

三錢

沈香

二錢

附子

七分

生用

用水浸

右藥共為細末加鴉片灰七錢入石膏研春如泥麪糊為丸如桐子大秤準分兩若干如有應一分計算吞丸

內有烟灰一釐二毫為度若有引一錢則吞丸有烟灰一分二釐為度必以飯前吞下否則不驗初吞一二日或

加吞少許令微有醉意則便不思吸矣吞定三五日後每日按減一粒如入補正丸二粒挨次減却純服補正丸

旬日半月烟引淨盡腸胃為清虛之府矣補正丸方開後洋參五錢白木三錢黃耆三錢炙草三錢柴胡半錢升麻

錢三錢黃連四錢黃柏四錢當歸三錢沉香二錢煨天麻一錢石藥共為細末麪和為丸桐子大附忌酸丸加減法夢遺者加龍

骨牡蠣粉紅白痢者加黃芩諸痛者加重木香再加延胡索咳嗽者加紫苑款冬花枇杷葉毛款嗽甚者加杏仁阿

膠熱痰者加川貝母橘萸殼寒痰者加半夏南星下焦火旺陽舉而壯者加重黃柏知母目眩者加丹

皮白菊花小便短者加豬苓澤瀉水瀉者加茯苓車前子氣短促而腎不納者加破故紙蛤蚧尾以上

所加藥品並為丸或煎湯作引送下亦可忌酸丸方如身體弱者可去洋參換沙參並去炙耆以防黨參代之

亦可無頭暈者不必用天麻身壯引輕者只用忌酸丸不須補正丸按日挨次減却亦可

戒鴉片烟方 此方不拘年分之久長大引之已成如能照法戒定並無難過毛病由來秘而不傳茲因廣南洋行
醉飲鬼子謀得此方試驗屢效 沉香分肉桂錢一川貝母錢一洋參錢一炮薑分五白豆蔻錢一木香分八陳皮錢一礞石錢一建蓮
分丁香分六半夏錢一粟殼錢一川烏分六如另加珍珠犀黃各五分其效更速 右方共為細末加用鴉片烟二錢燉化和藥
末為丸如太乾不能成丸再加飯湯少許須用硃砂為衣分九四百粒如一分引者每日飯前兩丸重引遞加引止
藥即止服完後尚不能止須用第二料藥料同惟烟灰只可加用一錢五分候引全退始止倘願再服此方可不必
加只用原方藥料為丸每日服之更為妥便倘尚有此微烟引未能淨盡脫除須用第三料然烟灰只可加用五分
矣第世人好此者興致正濃雖見此方未必肯立志戒定此方雖妙仍屬無益烟之誤事害人不可勝言水窮山
盡病入膏肓始知此方之可寶豈不遲哉

又方二 西黨參錢一金櫻子四錢刺淨錢一驚栗殼分五苦杏仁錢一懷牛膝錢一當歸錢一廣木香分五杜仲錢一橘紅分八白茯苓錢一續斷
錢二升麻分五茯神錢一加紅棗分五蓮心分一引頭劑加烟灰分五二劑加灰分三三劑加灰分四四劑加灰分五五劑加灰分六每日
早起空心煎服次煎晚間服

丁香錢二檀香錢一枯礬錢一伏鹽錢一白芷錢一蒼朮錢一草烏錢一白豆蔻錢一槐實錢一橘紅錢一杜仲錢一半夏錢一古月錢一
人知之白木錢一五味錢一三川烏錢一共為細末每藥一兩對鴉片灰四分將米湯化開然後將藥末沖下煉為丸如黃豆
大珠砂為衣每一分引服二粒或五日或二十日減一粒亦可此方斷引最靈

新得戒烟良方

此方自上海傳來
試之屢驗故附錄

生甘草一觔赤砂糖一觔川貝母去心研細末四錢鴉片烟灰錢四錢引輕者三錢重者四五錢右四味以清水十餘碗入銅鍋瓦罐煎一
二時至極濃為度約四五杯將渣滌出取汁置瓷器內攪靜室內無人行處每朝以開水溫燉服一酒杯晚間臨卧時再
溫服一杯藥盡不能斷引仍照方煎服無有不效者

卷中所錄諸方以鵲丹為第一次則新得良方藥僅四味亦甚簡易餘方並存以備採用

道光甲辰重九訪 鴻舫何兄於封門彭氏寓齋談次出其 先尊公書田先生所輯救迷良方喜得未曾有爰

假歸錄副方論言金玉真大醫王之黃昏湯也惜溺此者食而甘之何小浮山人潘曾沂識

太乙神鍼方

艾絨參兩

硫黃貳錢

真麝乳香

沒藥

松香

桂枝

杜仲

枳殼

皂角

細辛

川芎

獨活

穿山甲

雄黃

白芷

全蠍各壹錢

右為末稱準分兩和勻預將大紙裁定將藥鋪紙上厚分許層紙層藥正三層捲如大指粗細杵令極堅以桑皮紙厚糊六七層再以雞蛋清通制外層務須陰乾勿令洩氣

用鍼法

一用鍼先審是何病症取何穴道用筆塗記其穴以紅布七層安於穴上候鍼

一將鍼向燈燭上燒透對正穴道放於紅布上候藥氣溫熱漸透肌腠直入病裏便覺氣氣清爽應效之速難以

言傳若太熱將鍼畧提起候熱定再鍼以七記數少則一七多則七七

一燒鍼務令著透輕重浮沉按須得法鍼火若滅再燒之

一用過藥鍼以極乾竹筒封藏勿令受潮洩氣便可復用

一宜天氣晴和明意淨几密室無風之處敬謹焚香如法用鍼登時奏效更須擇吉若遇人神所在之日不宜鍼

灸切須忌之

一鍼後靜卧片時使藥氣周流暢達於臟腑脉絡之間然後起飲醇酒數盃借酒力以行藥氣微醺為度切忌冒風

一鍼後務宜謹攝起居保養元氣禁止房事搏節飲食

逐日人神所在不宜鍼灸


初一大指初二趾外初三在股初四在腰初五在口初六在手初七在內初八在腕初九在尻初十在腰背十一

在鼻梁十二在髮際十三齒十四在胃十五在遍十六在胸十七在氣十八在股十九在足二十在內廿一在手


廿二在外廿三在肝廿四在手廿五在足廿六在胸廿七在膝廿八在陰廿九在膝三十在足

穴道取寸法以男左女右手中指第二節屈指兩紋尖相去為一寸取稻草心或薄篾片量之

穴道圖仰面



穴道圖合面



凡中風頭風風癰角弓反張忘前失後氣絕脫肛目淚耳聾鍼百會穴從鼻直上入髮際五寸旋毛陷中可容指處醫宗金鑑云直上兩耳尖頂陷中

凡腦冷鼻塞腦漏汗不出目睛痛鍼上星穴從髮際直上髮寸或從眉心直上四寸

凡頭疼目眩出淚流涕鍼神庭穴從鼻直上入髮際五分即眉心上三寸五分

凡喉癢喉風哮喘氣噎肺癰咯血喉中有聲鍼天突穴結喉下二寸陷中

凡心腹疼痛驚悸痰疾伏梁氣壅狀如覆盆黃疸積塊熱病腹鳴飲食不化虛勞時症血痰風癰等症鍼上腕穴上腕上

凡翻胃吐食心下脹滿狀如伏梁傷寒飲水過多腹脹氣喘寒癖飲食不進赤白痢面色痿黃五隔鍼中腕穴上四寸

凡肚腹堅硬痞癖氣塊小便赤澀身體羸瘦翻胃氣脹不嗜食飲食不化鍼下腕穴臍上二寸

凡男子陽事久僂婦人經水不調及滯氣成塊狀若覆盆腹脹氣喘心膈下冷痛面赤臍氣虛憊真氣不足一切氣疾不化肌瘦四肢無力奔豚七疝腹脹結塊脫陽陰症囊縮婦人臨行房羸瘦前中月事不調產後惡露不止繞臍絞痛閃著腰痛小兒遺尿鍼氣海穴臍下一寸五分

凡男子遺精白濁臍下冷痛小便痛澀遺瀝溺血婦人赤白帶下經水不調胞門閉塞胎漏下血產後惡露不止鍼關元穴臍下三寸

凡男子奔豚搶心遺瀝失精五淋七疝小便赤澀婦人經水不調不受胎孕冷氣積聚冲心膈下結塊失精無子胎衣不下惡露不行血結成塊子門腫痛小腹寒痛陰痒痛臨經行房瘦弱鍼中極穴臍下四寸

凡目痛內障赤白翳膜腫脇下痛鍼臨池穴從兩目中直上入髮際五分陷中

凡兩額暴痛口眼歪邪牙關緊閉失音不語鍼客主人穴兩耳前骨上宛中間開口即空處

凡傷寒結胸咳嗽吐膿肚腹膨脹霍亂吐瀉婦人熱入血室產後飲食不進鍼期門穴兩乳下第二肋骨

凡夾臍痛冲心腹痛赤白痢疾泄瀉飲食不化男子一切血損婦人結血成塊鍼天樞穴臍旁各開二寸許陷中

凡手臂痠痛不能提物鍼肩髃穴肩端兩骨間

凡偏風不遂兩手拘攣捉物不得臂細無力肘內寒冷而痛傷寒餘熱不盡舉體痛癢如蟲噬皮脫癰瘰癧瘰癧

鍼曲池穴屈手按肘臂橫紋尖盡處

凡風痺手臂不舉汗出中風小兒慢驚瘈瘲鍼尺澤穴肘中動脈處即肘臂橫紋當中屈肘見金鑑云屈肘橫紋筋骨中

凡手臂不仁肘彎難伸偏風痛疼煩頰紅腫齒痛瘰癧瘰癧手三里穴曲池下二寸銳骨端

凡兩腿麻木左攤右瘓行步不得一切腳氣鍼風市穴端立垂手於股外中指尖到處

凡疝氣遺溺失精足痿不能行鍼三陰穴內踝踝尖上三寸大骨下陷中

凡十般水腫四肢厥逆咽喉引痛久瘧不食惡聞人聲口歪齒齲鍼內庭穴足大指次指岐骨縫間動脈應手陷中

凡白濁溺難腹脹心痛欬逆吐血煩悶短氣手足浮腫四肢厥逆而冷鍼行間穴足大指次指岐骨縫間動脈應手陷中

凡小腸疝氣小便頻數陽縮入腹陰囊偏大臍腹腫脹而痛尸厥如死劇氣紅腫行步艱難婦人血崩鍼大敦穴
足大指端去小中並葉計毛中 以上正面

凡耳聾虛鳴脫頷口噤煩腫牙疼鍼風池穴
按在耳後陷中

凡五勞七傷偏身發熱諸般瘧疾鍼大椎穴
第三節頭骨下

凡脊脊強痛欬吐不止癲狂譫語癰瘰發熱鍼身柱穴
大椎穴下三節骨

凡上氣喘不得卧鍼靈臺穴
第六節骨

凡腰腹引痛頭疼如破裏急瘕瘕命門穴
十四節骨

凡腰膝脊痛不能俯仰足痺不仁婦人月水枯閉鍼腰俞穴
尾骨節

凡傳尸骨蒸肺痿吐血咳嗽胸膈氣喘鍼肺俞穴
三椎骨下兩旁各開一寸五分金鑑云

凡五勞七傷諸虛百損肺痿咯血咳嗽吐痰寒熱往來四肢無力人身百病無不主之鍼膏肓穴
四椎骨下兩旁各開一寸五分金鑑云

凡血症心痛翻胃吐食自汗四肢急情鍼膈俞穴
第七脊下各開二寸正坐取之

凡多怒躁急氣促欬逆目眩黃疸鍼肝俞穴
八脊下各開二寸

凡骨蒸勞熱舌乾咽痛頭疼目黃食不下乾嘔并諸血症鍼膽俞穴
第九脊下各開二寸故不從寸半之說

凡諸般黃疸四肢不收痺痛膈疼久患泄痢翻胃吐食膈氣積聚痰瘧寒熱鍼脾俞穴
十脊骨下各開二寸

凡胃寒腹脹腸鳴翻胃嘔吐小兒羸瘦鍼胃俞穴
十一脊骨下各開二寸

凡腎經虛僂腰痛如折便血出精陰痛身熱耳聾目眩膝攣足寒鍼腎俞穴
十三脊下各開二寸亦有

凡五痔腸癰兩臂尖痛泄瀉久痢陰汗濕癢腸風脫肛鍼會陽穴
尾骨兩旁各開二寸金鑑云與臍平

凡狂悖煩悶驚風掣肘不得屈伸鍼腕骨穴
手外側腕前起骨下

凡鼻血不止唇吻不收瘡不能言口噤偏風風疹頭痛鍼合谷穴
大指次指歧骨陷中

凡中風中痰半身不遂腰膝強直股痛相引腰脇不得轉側諸風寒濕風痺風疹等鍼環跳穴在脾經中側臥屈上腿之上兩骨合縫之所曰脾經當環跳之處也

凡五勞七傷翻胃氣隔腸鳴肚痛痞癖膨脹胸膈蓄血咳嗽稠痰腿膝酸痛足痿失展鍼足三里穴膝下三寸行外兩肋肉分宛宛中平坐垂足取之在背全龜作大筋肉

以上按穴治病不可舛誤如遇週身疼痛跌踣傷骨節疼痛瘀血不散及癰疽發背對口疔瘡痰核癰瘻一切無名腫毒各於患處鍼之痛者鍼至不痛不痛者鍼至痛即愈倘水陸舟車各途旅次以及窮鄉僻壤無藥之處帶備神鍼見病即鍼鍼到病除真屬快事不但保身兼可積德願與同志廣為傳布以濟世焉

附太乙神鍼灸法

用生薑一大片厚二分許中穿數小孔平放應針穴道之上用麪捏一小碗如酒盃大碗底亦穿數小孔將神針內藥料折出再加斬艾絨少許捏作團置於碗內點燃平放於薑片之上傾刻之間藥氣即可透入如覺甚熱將薑片畧畧抬起停片刻即再放下看碗內藥將燃盡取起另換每次換藥三四回便可收止每日或一次或兩次不拘太乙神鍼有兩種用法一將針懸起離布半寸許藥氣自能隔布透入一將鍼實按布上藥氣更易透入然懸起一法取效較緩實按一法輕則布易燃重則火易滅均有微礙不如以針為灸較為妥當取效亦速今夏余右臂患麻左膀作痛數月未痊山陰唐煜軒大令以所製太乙神鍼授余先用懸針法痛麻雖減而未能脫然繼用實按法苦其不便因變而為灸又思灸法皆用艾作團點著置所患處顧團小則藥力不濟團大則皮膚易傷故用麪碗隔薑灸之收束艾火不使零星散亂而藥氣溫暖半刻許已直透病奧頓覺肌腠筋絡之間氣血暢達余每日灸一次凡三日而所患若失竊謂此法可為太乙神鍼之一助用敢詳疏其法附書後公諸世人咸豐六年十二月朔滄洲葉圭書識於濟東道署

同治甲子春奉檄赴漢督銷淮鹽偶因渡江閃腰痛楚不可行坐舊好王省三司馬授此針法試效如神原刻穴圖病原間有舛誤因畧如考證重授梓人以廣其傳秀水張文瀾識

凡例

一此編專以溫補見長凡小兒既成慢驚必於後開條目內有數處相合者即放心照方服藥勿謂此書與古方清熱散風之藥不同仍泥用古方以自誤也

一此編凡鹿茸人參等貴重難見之藥悉不開入恐窮鄉僻壤及無力之家不能構覓雖有時症良方亦束手無策也

一此編內之藥隨處皆有無論貧賤富貴皆力所易為但必須另包過數如法泡製方可取效

一近代所買之抱龍牛黃等丸皆清熱化痰之藥急驚最為對症若慢驚之甚者下喉即死

一急驚與慢驚全屬相反急驚之症小兒氣體壯實前數日發燒今日鼻中氣熱大便秘結小便臊忍而驚風大作喉中多有熱痰用抱龍牛黃丸下咽即醒再用清熱消導之藥一劑而安本欲附方於此恐治慢驚者用治急驚之方則為害非小是以姑述其由而方不叙入慢驚總足病後氣血不足虛極生風非脾腎雙補薑桂同進如何能愈一薑桂附子乃編內藥方中之用神減去則無效肉桂好者難得薄桂薄桂但有油者皆可利用之所以本草備要云肉桂有油者俱佳無所分別也

一慢驚之輕者理中地黃湯內多用薑桂亦可治愈若虛寒至極者非用附子不可但附子性熱人多畏之本草附子下亦註明治慢驚字樣可見溫補二字委係治慢驚秘訣無所疑也

一此編新立二方以治慢驚明言慢驚屬虛寒溫補即所以治慢驚急驚屬實熱清熱即所以治急驚二症有寒熱之殊用藥有雲泥之異古人每以一方治二症未究其致病之根源深不可信也

一近代醫家皆云慢驚一症先須驅風化痰鎮驚往往用全銀器物煮水仍煎發散消導之藥病輕者容或愈之原非其藥之功效病重者愈治愈危未聞治愈一人良可嘆也

一海內醫書未可枚舉諸君子雖各執一見議論紛紜然失之於此者仍得之於彼惟慢驚一症自古及今相承錯

謬殊堪扼腕是以此編常辨慢驚一症與各書不同即次試驗有效深信不疑也

一此編乃獨得之奇實發古文不傳之秘凡小兒久病不愈諸病之後均能轉為慢驚真得之最易而醫之最難世之人但知清熱散風不知溫補氣血間有一二高明者見及慢驚為虛寒症欲開溫補藥方又因不合古書恐招訛謗是以慢驚竟為幼科第一險之症此編業於姑蘇中州安徽直隸等處付梓矣倘仁人君子念及小兒患此症者待命殷殷翻刻廣傳已屬善舉若鄉試小試年龍門貢院前分送尤覺易以普遍一凡為善濟人及有一切陰陽者子孫當得福報若將此書翻刻廣傳使天下後世活人無窮又似非尋常陰陽可比其翻刻為善之子孫更不知當何如昌盛或亦陰功之一助為善君子未知以為善否

治慢驚風心得神方

慢驚之症緣小兒吐瀉得之為最多或久瘧久痢或痘後疹後或因風寒飲食積滯過用攻伐腸脾或秉賦本虛或誤服涼藥或因急驚而用藥攻降太甚或失於調理皆可致此症也其症神昏氣喘或大熱不退眼翻驚搐或乍寒乍熱或三陽晦暗或面色淡白青黃或大小便清白或口唇雖開裂出血而口中氣冷或瀉痢冷汗或完穀不化或四肢冰冷並至腹中氣响喉內痰鳴角弓反張目光昏暗此虛症也亦危症也俗名謂之天吊風虛風慢脾風皆此症也若再用寒涼再行消導或用胆星抱龍以除痰或用天麻全蝎以驅風或用知柏苓連以清火或用巴豆大黃以去積殺人如反掌實可畏也若治風而風無可治治驚而驚亦無可治此實因脾胃虛寒孤陽外越元氣無根陰寒至極風之所由動也治宜先用辛熱再加溫補蓋補土即所以敵木治木即所以治標凡小兒一經吐瀉多作即是最高危之症若其屢作不止無論痘後疹後病後不拘何因皆當急用參朮以救胃氣薑桂拘朮等藥以救腎氣不惟傷食當急救之即傷寒傷暑亦當急救之蓋其先雖有寒暑實邪一經吐瀉業已全除脾胃虛寒倉廩空乏若不急救恐虛痰上湧命在頃刻矣庸醫不明皆誤指為熱為食投以清火去積涼血立時告變為之奈何與其失之寒涼斷難生活不若試之溫補猶可救療此語發明吐瀉驚風之理最為明透後之君子願無忽諸今將慢驚辨症臚列於後

一慢驚吐瀉脾胃虛寒也

一慢驚身冷陽氣抑遏不出也

服涼藥之後往往至此

一慢驚鼻風煽動真陰失守虛火鑠肺也

一慢驚面色青黃及白氣血兩虛也

一慢驚口鼻中氣冷中寒也

一慢驚口鼻中氣冷中寒也

一慢驚大小便青白腎與大腸全無火也

一慢驚昏睡露睛神氣不足也

一慢驚手足抽掣血不行於四肢也

一慢驚角弓反張血虛筋急也

一慢驚乍熱乍寒陰血虛少陰陽錯亂也

一慢驚汗出如洗陽虛而表不固也

一慢驚手足痠痰血不足以養筋也

一慢驚囁門下陷虛至極也

一慢驚身雖發熱口唇焦裂出血却不喜飲冷茶水進以寒涼愈增危驚以及所吐之乳所瀉之物皆不甚消化脾胃無火可知唇之焦黑乃真陰之不足也明矣

大凡因熱不退及吐瀉而成者總屬陰虛陽虛越必成慢驚並非感冒風寒發熱可比故不宜發散治宜培元救本加薑桂以引火歸源必先用辛熱中開寒痰再進溫補方為得法

經驗二方列後

逐寒蕩驚湯 此方藥性溫煖常治小兒氣體本虛或久病不愈或痘後疹後或誤服涼藥泄瀉嘔吐轉為慢驚為清熱散風愈治愈速宜服此能開寒痰寬胸腸止嘔吐蕩驚邪所謂回元氣於無何有之鄉一二劑後嘔吐漸止即其驗也認明但係虛寒即宜服之不必疑畏也

胡椒打一錢 炮薑一錢 肉桂一錢 丁香十粒

右四味 以灶心土三兩煮水澄極清煎藥大半茶杯頻灌之按服方後定獲奇效

加味理中地黃湯 此方助氣補血却病回陽而治小兒精神已虧氣血大壞形狀狼狽瘦弱至極皆可挽回之如法濃煎頻頻與服參天救本之功有難以盡述者